



聊方典第三百七十一卷

開封府部彙考二

開封府山川考

府志

本府

祥符縣附郭

夷山在府城安遠門內亦名夷門山以勢平夷故名乃魏侯嬴監守之處唐胡曾詩六龍冉冉
驟朝昏魏國賢才杳不存惟有侯嬴在時月夜來猶自照夷門
龍亭山在府城一名煤山
明太祖封周藩於開封築土山於王宮後建亭閣列花石明末廢

皇清康熙三十一年新建

萬壽亭於其上

艮嶽在府城東北詳見古蹟

獨樂岡在府城東十五里昔有富翁了婚嫁

日邀故舊飲酒爲樂徽宗微行見而美曰此人其獨樂哉故名

鳳城岡府城西南十里許

世傳金章宗時有鳳凰集於此亦名鳳凰岡

彭子岡在府城南元劉哈刺不花屯兵於此

敗顯毫盜兵

望牛岡在府城西南十三里

潘岡在陳留東北四十里宋潘美嘗居此

故名

鸞岡在通許東南四十里昔有彩鳥集於上見古蹟

桃陵在杞縣東南十里

隱隱有隆起狀昔張巡夜擊賊於白沙渦至桃陵遇賊救兵悉擒之卽此

長白山在太康

縣東北一里

五鳳山在尉氏縣南聖井之北

牛脾山在洧川西南十里有大隧澗兩

崖峨嵯爭高中有坦途可容方軌卽鄧莊公與母相見處俗呼爲過母岡上有顯考叔祠

赤坂岡在洧川東南二十里土赭色望之如丹丘

彭祖岡在鄆陵縣北俗傳彭祖葬此

三晉岡在扶溝西北二十五里相傳春秋時三晉大夫帥師於此

雕陵岡在扶溝北二十

里有鄧莊公祠弘治間得志石云前有雕陵嶼嶼後背大川烟霞

翠屏山在扶溝儒學前

與城相連

牟山在中牟北五里上建牟山廟縣之得名以此

清風嶺在中牟東南二

里許其高數仞綿亘十數里

土山在中牟南三十里

馬陵岡在中牟西南綿亘五十

餘里史記韓懿侯二年魏敗我馬陵卽此

中嶽在陽武西北二十里

黑洋山在原武

北二十里連陽武界昔沒於河至今河岸猶有山脚隱隱

黑山按史漢獻帝初平四年曹

操軍鄆城荊州牧劉表斷袁術糧道術引軍入陳留屯封丘黑山餘賊及於扶羅等佐之曹操

擊破之術退保封丘舊以封丘黑山連而爲句遂謂封丘有黑山不知黑山乃常山賊帥張燕之名號也今正之 淳于岡在封丘東北十八里 酸棗山延津西南十五里今名土山

屬陽武 白雲山在蘭陽西十五里土山無石每旦有白雲上騰故名山下有黃風洞洞幽

且長莫知所底舊傳爲張子房辟穀處 張成山在白雲山東南周圍三里或云子房舊居

黃陵岡儀封東北五十里接山京曹縣界曹操立疑塚於此 具茨山在新鄭西南四十里

一名大隗山山海經謂之大隗山又水經注黃帝登具茨之山升於洪隄上受神芝圖於黃蓋

童子卽是山也溪水出其阿而流爲陂俗謂之玉女池今其山有軒轅避暑洞又其巔有風后

嶺下有白龍湫每遇旱致禱輒應 陘山一統志作邢山在新鄭西南三十里史記魏襄王

六年敗楚師於陘山卽此山上有鄭祭仲墓墓西有子產墓累石爲方墳墳東有廟並東北向

鄭城杜預謂不忘本故也廟有枯柏其塵根故株之上多生稚柏列秀青青望之可愛此山與

具茨並峙 自然山在新鄭西二十五里有軒轅飲馬泉 抱犢山在新鄭北三十里

上有駐節臺相傳宋陳堯佐所築 黃崖在新鄭北十里春秋傳云魯襄公及諸侯之楚過

鄭鄭伯有迎勞於黃崖卽此

西銘山在陳州西北五里

宜山在西華南三十里褚河

北岸戰國時大梁邑名以其城在山之南也

廟陵岡在西華西四十里楚靈王章華臺故

址 思都岡在西華北二十里女媧氏之遺民思故都故名

頓山在項城北五十里卽

古頓子城

乳香臺在沈丘西南二里昔產乳香故名

首山在襄城南五里橫互九里

史記稱天下名山八五在中國皆黃帝所嘗遊首山其一也又云黃帝採首山之銅鑄鼎於湖

莊周謂黃帝登具茨訪大隗命駕於襄之野七聖皆迷無所問途見童子而問道焉卽此山也

爲令武紫雲仙翁諸山之首故曰首山明賈詠詩路出名邦渺樹煙首山橫帶馬蹄前身經七

聖皆迷地望入諸峯衆妙天靜裏高寒真可愛故人凋謝不堪憐等閒又負登臨興笑指雲林

一粲然 令武山在襄城西南五里舊傳楚令武將軍景差葬此因以名山今有令武將軍

祠在焉 紫雲山在襄城西二十五里其山峯巒翠嶺林木蒼鬱自中峯而下重巘疊嶂如

納陸然南北兩山左右環拱一泉從中湧出旋遶東北入汝水襄山第一奇觀也明李恭靖公

敏建書院於上賜額紫雲書院一名書院山明馬文昇詩峯孤峯上插空宛然削出玉芙蓉

四時雲氣春偏盛釀作甘霖濟歲豐

龜山在襄城西南十五里山形如龜因名有二井遇

旱禱雨輒應一名靈泉山

高陽山在襄城西南十五里山麓多泉足滋灌溉

仙翁山

在襄城西南十八里迴出羣峯襄山之最高者上有丹井俗傳葛仙翁舊跡

駱駝嶺在襄

城西二十里旁高中下狀如駱背故名

召陵岡在鄆城東三十五里旁有召陵城卽春秋

齊桓公盟於召陵地

京紫岡在鄆城東三十五里土色紫翠森秀與西紫岡對峙

西

紫岡在鄆城西南十五里

宋岡在鄆城西北十五里旁有青娥城

紫荆山在長葛西

五十里與禹州相接西北屬禹州東南屬長葛小洪河發源於此

鳳凰岡在長葛西北十

五里漢黃霸治潁川時鳳一集於此故名

大鴻寨山在禹州東北四十里卽具茨之別峯

與密縣新鄭相錯昔黃帝臣大鴻氏屯兵於此故名

太白山與大鴻山相接

牧牛山

在禹州東北下有九十六泉溱之上源也

孝山在禹州東北五十里俗傳有黃香墓故名

馬鞍山在禹州東北六十里卽陘山有子產墓其陰屬新鄭

金牛山與陘山接壤

黃

臺岡在禹州東北魏志陽翟有葛溝水黃臺岡

大礪山在禹州北二十里元隱士張克己

號大礪取此

六盤山在州北十里

大陽山在州北有李崆峒墓

杏山在州北二

十里有澗名張翁漢仙人劉根所棲隱者

明山在州北五十里明周定王葬於此是爲九

龍口九溝相合水聚故也

荆山在州西北五十里洛陽記齊武帝採玉於此亦臨潁水

崆峒山在州西北五十里山前有觀名逍遙盤旋而上懸崖絕壑石澗瀑布淙淙有聲爲一郡之勝舊志云黃帝問道於廣成子處按史記黃帝披山通道西至崆峒其山在陝西今據莊周所云命駕於襄城之野禹州近襄或卽在此地與

殿山在州西北六十里

柏尖山近

殿山

大龜山在州西北五十里

大仙山在州西北五十里相傳軒轅修煉於此

大龍山在州西北六十里有五代漢高祖陵

小龍山潁水經其下

玲瓏山一名輞山

石皆玲瓏山腰有石洞嵌空幽邃郡人張南溟建書院於其地

書堂山州西北四十八里

相傳古人聚書處

逍遙山在臨潁水有漢中郎將墓摩崖作碑字多剝落失考

雪山

在州西北六十五里

三磴山在州西五十里若三磴上下皆有龍潭

神后山一名大

劉山在州西六十里其土可陶有漢高祖廟明周世子於此獲騶虞

方山在州西有太尉

塚樹柏猶存失考

乾鳴山在州西六十里

夾龍山在州西四十里

鳳翅山在州

西三十里

禹山舊志在州北潁水之南下有禹廟在州西南宋元豐間重修北魏史曰陽

翟縣有禹山祠此其是矣

三峯山在州西南二十里有宋庠墓金陳和尚與元兵戰潰於

此明督師孫傳庭拒李賊前鋒亦潰於此

皇清沈荃詩秋色三峯麗揚鞭指翠屏晴巒迷近遠錦樹雜丹青笳吹林間發霜砧野外聽憑高聊

放眼髣髴對山靈謾謾山風起蕭蕭木葉乾詞人揮玉腕候騎簇金鞍谷暝疎鐘動天空過鴈

寒高吟猶未倦微月上林端

九山在州西南三十五里

呂梁山塘口河源出其下

柏山在禹州東南其峯秀出與三峯山東西相望

青屏山在密縣北八里其形若屏

雲壘山在密縣北三十里一名侵雲山三峯特起勢插雲表

開陽山在密縣西北十五里

冬雪降卽消

龍巖山在密縣西北二十五里起伏連延其勢如龍有寺曰龍巖中有甘露

泉

香爐山在密縣西二十五里上有元帝廟土人呼爲小頂

橫山有二一大一小俱

在密縣西北三十餘里東西相對

大方山在密縣西北五十里山漸高大林木森秀下有

綏谿綏水出焉

香峪山在密縣西北五十里有上中下三峪山多產藥卉中峪有虎跑泉

蘭巖山在密縣西北接汜水西南境唐詩鼓吹註昔有密人蘭公夫婦死於此化鶴飛去至今

巖下有石成對形如雙鶴

織錦洞在密縣西北五十里

鳳凰山在密縣西四十里嘗

有鳳集其上故名

大門山在密縣南三十里有洞豁然向離因名

柏崖山在密縣南

三十里古柏成林下有龍湫俗訛熊耳山

承雲山在密縣東南三十里土人呼爲破荆山

據水經有東西承雲二水出其下流逕超化寺前則今之破荆卽古之承雲也山巔有石天將

雨則雲霧先出

七敏山在密縣東南西連承雲脈落相貫

超化山在密縣東南與承

雲相接有超化寺消水出焉

石樓山在密縣東北十八里其山高峻重疊狀若樓然

靈巖洞在密縣東四十里

梅山在鄆州西南三十里高數十仞周數里其脈來自嵩嶽爲

州鎮山或謂舊多梅花故名下有龍池小金水河源於此按明一統志春秋楚薳子馮率師侵

費滑還帥於此

泰山在鄆州南四十里以其能吐雲不亞岱宗之膚寸而合亦名泰山與

梅山東西斜對較梅山爲尖秀三面陡絕不可躋攀惟南隅疊石可登上有泰山三仙二廟縱

目遠眺雲樹蒼茫諸村落皆歷歷可指奇觀也

廣武山在滎澤西十里與三皇山連上有

東西廣武二城卽楚漢屯兵相拒處其山西跨河陰南跨汜水綿亙五十里峯巒尖秀峭拔數十丈朝霞暮烟變態萬狀宋劉景文詩楚漢兵相接乾坤畫亦暝虎爭千里震龍鬬四郊腥故壘誰從問巖祠自昔靈北風吹敗木落葉任飄零副使沈荃詩晴秋振屨層峯上壁壘風雲萬里開山合嶠函爭北向河連汾沁却東來寒沙白磧埋遺鏃衰草青燐長廢臺帝業霸圖俱泯沒阮公千載有餘哀

嶽山廣武山北枕黃河南臨陡澗人稱小桃源

五龍峯在嶽

山頂五峯對峙秀氣鍾焉

嵩渚山在滎陽東南二十五里一名小陘山京水出焉

萬

山在滎陽南二十里嵩渚山之西須水出焉

清水嶺在滎陽東南索水出於此

賈峪

山在滎陽東南賈谷水出焉

大周山在滎陽南三十五里汴水之源宋仁宗曹皇后建塔

於上申有三泉九峪

傘蓋山在滎陽南四十五里峯形如傘故名一名摩旗山韓信伏兵

於此山頂有旗穴在焉

石棚山在滎陽南三十五里一石平坦如盤其下空洞如屋可容

數十人故云石棚

靈源山在滎陽西其山嘗出靈芝石蘭石髓紫菊往往人聞山上有長

嘯聲

敖山在滎陽北河陰西詩搏獸于敖是也商仲丁遷都於此左傳晉師救鄭在敖鄩

之間呂京萊曰士季設七覆於敖秦時築敖倉於上因以名山漢酈食其勸高祖據敖倉之粟

又因敖山築甬道下汴水皆在此

牛口峪在河陰西北二十五里與汜水接壤唐太宗擒

竇建德之處

運斗峪在河陰西北二十里俗傳張子房觀星望斗處今運斗臺猶存

秦王頂在河陰西北十八里平闊數畝唐太宗驅竇建德處今有秦王寨

摩旗頂在河陰

西北十一里相傳樊噲曾摩旗其上因名今漢高帝廟猶存

招子頂在河陰北十六里王

陵以兵屬漢項王欲挾之歸楚取陵母置軍中遣使招陵母私對使者泣曰願爲妾語陵善

事漢王王長者終得天下毋以老妾故持二心遂伏劍死

太公頂在河陰東北十四里卽

項王欲烹太公處在廣武山之巔

三皇山卽廣武山之別名東與滎澤相連按明一統志

其上有東西廣武二城爲楚漢屯兵相拒處

石榴谷在河陰東北二十里盈山皆安石榴

叅差翳翳不計其數

大伾山在汜水城西一里考大伾在黎陽宋史以爲卽今成皐其山

有大淵九曲又名九曲山上有呂布城或云成皐舊城

伏蛟山在汜水西二里許唐會昌

三年建昭武廟於其上祀歷代君臣有事於虎牢者元季廢

方山在汜水南四十里汜水

出焉山海經所謂浮戲之山也周圍數百里環遶數縣

五雲山在汜水東南四十里其山

嵯峨如浮圖又名塔山雪霽則粲爛如玉樹然

三山在五雲山東六七里山有三峯

紫金山在五雲山南十五里有伏羲廟其西曰白玉嶺有女媧祠宋程顥詩仙掌遠相招縈

紆度石橋暝雲生澗底寒雨下山腰樹色千層亂天形一罅遙更紛難久駐回首羨漁樵

分水嶺在五雲三山之間南有桃花泉北有竹葉河因名

金龜山在汜水東郭堤外宋人

嘗建美哉亭於其上元末毀

寥子峪在汜水西北大伾山之中

狗脊山府志無按明

一統志在中牟縣後其上產黃麻

伯牛岡府志無按明一統志在汜水縣東北三十里有

冉伯牛廟

水

黃河源出崑崙西南二千里星宿海北流塞外由山西境而南至潼關入河南境至汜水入開

封府境歷河陰滎澤鄭州原武陽武中牟祥符封丘陳留蘭陽儀封至耆城入歸德府境宋太

平興國十年河決滎澤始南徙奪汴水之道以注於淮金明昌五年河決新鄉由太康逕陳州至潁州元末又自通許分一支自陳州商水入南頓混潁水東流於淮水明洪武二十四年河決原武經汴城東南至陳州城西東南經項城入淮永樂九年濬入故道正統十三年又決滎陽經陳州項城入淮弘治間又北徙崇禎十六年河決入渦河

皇清順治九年河自復故道按明一統志黃河舊在府城北四十里自西北汜水縣入境東至虞城縣下達山東濟寧州界洪武二十四年決原武縣黑陽山下東經府城北五里又東南至項城縣出境入淮而故道遂淤永樂八年復疏入故道自是河分爲二正統十三年又決滎陽縣東經府城西南又東南至項城縣出境入淮而城北之新河又淤元陳孚詩千載金湯擁上流只今惟有荻花秋江南客子笑無語閒看黃河繞汴州

蔡河源失考宋時爲漕渠歲漕上供

米六十萬石入京師兼閔水消水潩水以通舟楫閔水自尉氏歷祥符合於蔡是爲惠民河消水自許田注鄆陵東南歷扶溝合於蔡潩水出鄭之大隗山注臨潁歷鄆陵扶溝合於蔡凡許鄭諸水悉會焉猶以其淺濶故植木橫棧及設斗門以節水建隆三年詔發丁夫數萬浚蔡水

入潁其自尉氏北流至汴戴樓門東由廣利水門入城名西蔡河接閤水緣繞城內其從陳州門西普濟水門出城流經通許復接舊蔡河名東蔡河卽所謂惠民河也元至元二十七年河決祥符西蔡河上源由是塞明洪武以來河屢南徙淤爲平地惟府城南薰門內東西有河積水不通舟楫尙存東西二橋崇禎末河決汴梁併橋亦淪沒 六丈河在府城北封丘門外

世傳宋時恐河水爲患故開此河以殺其勢今湮

廣濟河在府城安遠門外亦宋之漕渠

一名五丈河唐武后延載元年引汴水入白溝接注漚渠以通曹濟竟鄆之賦因其闊五丈故名唐末湮廢後周顯德四年修復至宋太宗改名廣濟歲漕東北上供米六十二萬石入京師於京城之西夾汴水造斗門引京索蔡河水通城濠入斗門俾架流汴水之上東進於五丈河以便漕運水門三上曰咸豐下曰善利上南曰永順元初淤塞 金水河一名天源本京水

導自滎陽黃堆山其源曰祝龍泉宋建隆二年鑿渠引水過中牟名曰金水河抵汴城西其水橫絕於汴設斗門入浚溝通城濠東匯於五丈河後淤塞按明一統志在鄭州城西南二十五里 汴河本作汴卽浚義渠也一名萇蕩渠源出滎陽大周山下受西南諸山谿京須索鄭

之水東流至中牟縣北與沙水同流東南至浚義而分一瀆南注爲沙一瀆東注爲汴漢平帝時黃河南奔衝汴明帝永平中命王景修汴隄渠自滎陽東分疏河汴二水令黃河東北流入海汴河東南流入泗隋大業元年開通濟渠自板渚引河歷滎澤入汴又自大梁之東引汴水入泗達于淮渠廣四十步渠傍皆築御道樹以柳名曰隋堤一曰汴堤宋定都汴梁汴水穿都中有上水門下水門歲漕江淮浙湖之粟六百萬石達京師常至決溢設官司之元至元二十七年黃河決始淤塞舊府治南有汴渠故蹟卽其地也止存今沙河一名賈魯河又名小黃河受京須索鄆諸水經朱仙鎮呂家潭至扶溝東北受雙泊河水又東南入西華境遠城西北東三面又東南經李方口西又東南合潁汝二河入商水境逕周家口又東受清水及柳莊河水爲白馬溝其南爲潁岐口沙水東流潁水東南流逕南頓鎮又東南逕項城北受澱水汾水又東入沈丘境至潁州復與沙合沙東逕槐坊店折而東南受枯河水又東逕紙店界首集入江南太和縣東由潁北合注於淮唐李益詩汴水東流無限春隋家宮闕已成塵行人莫上長堤望風起楊花愁殺人

伯兪河在府城西三十里韓孝子伯兪居此

巴河在陳留北三

十五里明楊一清詩一帶巴河縱復斜孤帆疑是泛星槎東吳萬里雲濤外過盡春山直到家
按明一統志東入寧縣界 伊水在陳留東北二十里環繞伊尹故里 睢水在陳留東

北四十里又名隄河按明一統志東經睢州達寧陵縣 鐵裏河在杞縣西南三十五里

清河在太康縣南 雙洎河在濳洧二水並流逕新鄭縣城南又東受黃水又東受南濮北

濮二水又東南受龍淵水又東南受稟水逕長葛縣城至東南郭折而北流入洧川界復東受

清泉水又東南逕洧川城南受大洧水又東南逕新汲故城北東南入鄆陵界又東北入扶溝

界東注於沙河卽汴河按明一統志在洧川縣南卽濳洧二水之下流 馬蹄河在蘭陽北

五里一名清河明楊一清詩春濃官柳颺東風隔岸歌聲款乃中欲向滄浪同濯足誰清誰濁

問溪翁 黃水河在新鄭北十里東入於洧 穀河源出商水西召陵岡流經項城縣入

淮 虹河項城舊西漢漕河舊闊十餘丈歷城內下達潁水 潁河在許州北八里源出

密縣大隗山名魯固河又名清流河東南入長葛境逕許州至臨潁縣入於潁水 石梁河

在許州西七里源出密縣山谷中流至超化寺前匯爲黑白二龍潭其深莫測東流至禹州郭

連里逕石固寨南有石梁橋爲許州長葛分界流入臨潁北境又名五汲河東至西華界入潁水宋名石塘河漕運許州一帶之粟達於汴京按明一統志在臨潁縣北三十里東南入黃河清流河源出許州東秋湖流經鄆陵西華二縣界入於潁潁河源出登封潁谷中東流經

禹州又名褚河按漢書以陽翟大賈褚姓所居故名東過臨潁受潁水又東至西華受石梁河水經縣東南合汝水又東南入商水境合沙水逕周家口漸達於淮按明一統志東經鄭州至襄城縣爲潁河聚祇河臨潁北三十五里潁河之支流也魏聚祇屯田許下引流灌漑得

穀百萬餘斛因以名河五里河臨潁北五里潁河支流艾城河臨潁東北三十里石

梁河之北魏鄧艾屯田引潁水爲河最宜稻汝河一名潑水鄆以西爲汝鄆以東爲潑發

源於伊陽天息山經汝州過郟縣至襄縣始大薄城而行城南門下橫以石橋東流經鄆城收澧河澧河至周家口東入於淮按汝故道由汝州襄鄆東南至汝南郡由新蔡合洪河入淮元季因水勢泛溢爲蔡州害自武陽截斷其流約之使東注水患少寧故陞蔡州爲汝寧府而汝水之由舞陽而東者入鄆城土人始呼曰沙或傳古之名曰潑也按明一統志在襄城縣南東